



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00238 pillugu tallimanngornermi ulloq 11. maj 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 3. maj 2007-imi ataatsimiinnerat)

Nummi Tuapannguani nutaanik inissialiortiterneq

Naalakkersuisut inassutigaaat.

Kontomi pingaarnermi 87.72.25-imi, Inissianik attartortittakkanik ingutserinermut inissianillu inuit ataasiakkaat pigisassaannik sanaartornermut tunngasumi, suliassamut nr. 060.92.002-mut, Nuummi Blok Q-p, R-ip aamma S-ip ingutsernerannut tunngasumut, aningaasaliissutit 2007-imi 9 mio. koruuninik ikilineqassasut.

Kontomi pingaarnermi 87.72.12-imi, Taartissanik inissialiortiternermut tunngasumi, suliassaq nr. 060.34.504, Tuapannguani suliassamut tunngasoq, 2007-imi 9 mio. koruuninik aningaasaliissutitaqartillugu suliassanut ilanngunneqassasoq.

Taartissanik inissialiortiternissamut aningaasaliissutit kontomut pingaarnermut 89.72.12-imut, Taartissanik inissialiortiternermut tunngasumut, nuunneqarnerisa kingunerisaanik kontomut pingaarnermut 87.72.25-imut, Inissianik attartortittakkanik ingutserinermut inissianillu inuit ataasiakkaat pigisassaannik sanaartornermut tunngasumut, oqaasertaliussat allanngortinneqassasut.

Kantomut pingaarnermut 89.72.12-imut, Taartissanik inissialiortiternermut tunngasumut, oqaasertaliussanik ilanngussisoqassasoq.

Aningaasaqarnermut Ataatsimiititaliap oqaaseqaatai

Naalakkersuisut suliame matumani Nuummi Tuapannguani nutaanik inissialiornissap aallartinneqarnissaanut aningaasaliissutissavitsigut tunngavissat Aningaasaqarnermut Ataatsimiititaliamit inaarutaasumik akuersissutigineqarnissaat ujjartorpaat. Blok S-ip ingutserlugu aallartinneqarnissaa Naalakkersuisut siulittaasuata ulloq 17. april akuersissutigereepaa.

Tamanna tunngavigalugu missingersuutinut sunniuteqanngitsumik aningaasaliissutinik nuussinissap kiisalu oqaasertaliussanik marlunnik ilanngussanissap, aappaa tassaasoq kontomut pingaarnermut 89.72.12-imut Taartissanik inissialiortiternermut tunngasumut oqaasertaliussaq nutaaq, Aningaasaqarnermut Ataatsimiititaliamit akuersissutigineqarnissaat Naalakkersuisut qinnutigaat.

Oqaasertaliussassami nutaami arlalinnik ajornartorsiuteqartoq Aningaasaqarnermut Ataatsimiititaliaq isumaqarpoq.

Kontomut pingaarnermut 89.72.12-imut Taartissanik inissialiortiternermut tunngasumut oqaasertaliussamut nassuiaatit annerpaartaat taamaalillutik oqaasertaliussartaviata oqaasertaanik uteqqiineruvoq. Taamaalilluni pisariaqanngitsumik initoqutaaginnarput paatsiveerussaataannassallutik. Paasissutissiissutigineqartariaqaraluartoq tassaavoq oqaasertaliussap ilusilerneqarnerani tunngaviusoq.

Sooq Naalakkersuisut ineqarnermut tunngasut pillugit inatsimmi atuuttumi aningaasartanut killissaritit at aningaasartuutillu agguataarneqarnerat avaqqunniarneraat pillugu erseqqissumik paasissutissiissuteqarnissaq ilaatigut tulluurtuusimassagaluarpoq.

Tuapannguani piginneqatigiilluni nutaanik inissialiortoqassappat sanaartornermi akiusup 2/3-iinut, taamaattorli annerpaamik kvadratmeterimut ataatsimut 10.000 kr.-inik, ernialersugassaannngitsunik akilersugassaannngitsunillu taarsigassarsisitsinissamut piginnaatinneqarnissartik Naalakkersuisut ilaatigut kissaatigaat. Piginneqatigiilluni inissiat pillugit Inatsisartut peqqussutaanni nr. 1-imi, 31. oktober 1991-imeersumi § 10-mi allassimavoq Naalakkersuisut Kommunalbestyrelselu tamarmik immikkut piginneqatigiillu inissianik sanaartornermut aningaasartuutit tamakkiisut pingajorarterutaannik erniaqanngitsunik taarsersugassaannngitsunillu taarsigassarsisitsissasut. Suliassaqarfimmi pingaarnertut maleruagassanik avaqqutsinissamik kissaammut tamatumunnga tunngavissaq pillugu oqaasertaliussanut nassuiaatini allassimasoqanngilaq. Piginneqatigiillunilu inissialiortiternermi suliassat nutaat allat eqqarsaatigalugit sanaartortoqannginnerani sunniutaasinnaasut pillugit aamma allassimasoqanngilaq.

Aammattaq Illuliortiternernut (ilaqutariinnut ataatsinut illunut!) aningaasalersuineq pillugu Inatsisartut peqqussutaata nr. 4-p, 30. oktober 1998-imeersup assingusumik nassuiaat aallaavigalugu Tuapannguani inuit ataasiakkaat pigisassaannik nutaanik inissialiorsinnaanermut sanaartornermi akiusup 40%-ianut, taamaattorli kvadratmeterimut ataatsimut annerpaamik 5.400 kr.-inik, ernialersugassaannngitsunik akilersugassaannngitsunillu taarsigassarsisitsinissaq Naalakkersuisut kissaatigaat. Aningaasaqarnermut Ataatsimiititaliaq oqaatigineqartut aallaavigalugit naatsorsuutigaa Naalakkersuisut inissianik inuit ataasiakkaat pigisassaannik oqaramik tassani pigaat 10/40/50-imik aaqqissuussineq malillugu inissiat sanaartukkat, tamannali ersarissumik allassimanngilaq. Aammattaq Tuapannguani suliniut piginneqatigiilluni inissianut taamaallaat attuumassuteqartoq sooq Naalakkersuisut taamatut piginnaatinneqarusunnertut nassuiarneqanngilaq. Aamma assingusumik nassuiaat taaneqartoq oqaasertaliussamut nassuiaammi sortaani allassimanersoq oqaatigineqanngilaq.

Tamatuma saniatigut maanna attartortut piginneqatigiilluni inissiani nutaani piginneqataasussatut neqeroorfigineqarnissaannut Naalakkersuisut piginnaatinneqartut allassimavoq. Attartortut piginneqataarusuttut naammassanngippata Naalakkersuisut piginneqataassumik pisinissamik namminneq sulisumik neqeroorfiginissaannut Naalakkersuisut piginnaatitsissumik kissaateqarput. Tamatuma kingorna piginneqataassutinik pisiarineqanngitsunik suli peqarpat innuttaasut allat taakku pisiarisinnaassavaat. Taamatulli ilusiliinermut tunngavigineqartoq oqaasertaliussami allassimanngilaq, tamannalu erseqqissumik amigaataaqqippoq. Minnerun-ngitsumik tamanna immikkoortitsineq annikinnerusoq suli atigut tunngavilersorneqarsinnaanngippat eqimattat immikkut ittut pingaarnertut ineqarnerata inatsilioriaatsimik pitsaasumik unioqqutitsinertut isigineqarsinnaanera eqqarsaatigalugu. Tassunga atatillugu oqaatigineqassaaq ”*Naalakkersuisut namminneq sulisui*” ersernerluttorujussuummat. Inuit taakku kikkuunerat

ersersinniarneqanngilaq. Namminersornerullutik Oqartussani suliffeqarfiutaannilu sulisut innersuussutigineqarmata naammagisassaavoq, aammami tamanna allassimasariaqarami. Tassunga atatillugu oqaatigineqarpoq suliassami matumani Tuapannguani inissiat 185-init 210-nut amerlisinniarneqarmata qulaajaanerup suli amigaatigineqarnera siunissami pinngitsoorani ajornartorsiutinik kinguneqassasoq.

Oqaasertaliussami pineqartumi ajornartorsiutinut taakkununga immikkut ittunut, taamaattorli ajornartorsiummut aamma taamak annertutigisumut ataatsimut isigalugu Aningaasaqarnermut Ataatsimiititaliaq uparuaanissamut pissutissaqalersippaat.

Tassunga atatillugu Aningaasaqarnermut Ataatsimiititaliaq Missingersuusionermi malittarisassat 2002-mi imm. 4.6 issuaaffigissavaa, tassani ilaatigut imatut allassimasoqarmat:

”Kiisalu oqaasertaliussatigut inatsisinut atuuttunut aalajangersakkat aalajangersimasut erseqqissarneqarsinnaapput. Inatsisinik pioreersunik, aningaasanut inatsimmi inatsisinik oqaasertaliussatigut allannortitsineq taamaallaat pisinnaavoq allannguut piffissami killilimmi atuutissappat imaluunniit inatsimmik allannortitsisoqarnissaa utaqqineqarsinnaanngippat. Inatsisinik ataavartunik nalinginnaasumillu allannortitsinerit oqaasertaliussatigut pisinnaanngillat.

Tamanna pingaartumik innuttaasumut inatsiseqarnikkut isumannaallisaanermik pissuteqartumik tunngaveqarpoq. Immikkoortumut aalajangersimasumut inatsisinut allannguuteqartoqartariaqarpat tamanna oqaasertaliussatigut pissaaq, tassami innuttaasooq immikkoortumut inatsimmi paasisutissanik ujaasisussaammat taamalu ani-ngaasanut inatsimmi ujaasinani.”

Oqaasertaliussat qinnuteqaammi matumani pineqartut taamaallaat ukiumi aningaasanut inatsiseqarfiusumi 2007-imi atuutussaasut Aningaasaqarnermut Ataatsimiititaliap soorunami ilisimalluarpa. Suliassamili piffissap ingerlanissaa kiisalu inissialiortiternernut aningaasalersuinerit tunngasumi inatsisisitigut allannguutissanik pilersaaruteqartoqarnerisooq pillugu qinnuteqaammi sutigulluunniit paasisutissanik saqqummiussisoqannginnera eqqarsaatigalugit Naalakkersuisut piffissap sanaartorfiusup ingerlarngani tamarmi piginnaatitsissutit aammalu ineqarnermut tunngasuni inatsimmik nalinginnaasumik avataqqutsinissamik qinnutigisatit attatiinnarusukkaat Aningaasaqarnermut Ataatsimiititaliap ilimagaa. Tamatumalu kingorna immaqa aamma ingutserilluni siunissami suliassani attatiinnarusukkaat.

Oqaasertaliussaq taamaalilluni inatsisissatut allannguutitut atuuttussatut iluseqarnialertera pissutigalugu Naalakkersuisut taamaalillutik inatsisilerinermi naalakkersuinikkut ingerlatsinermi killissarisat qanilliartuinnaraat Ataatsimiititaliaq naliliivoq.

Aamma 2008-mut Aningaasanut inatsisissatut Siunnersuummi oqaasertaliussat misissorneqarnerini ajornartorsiut taaanna Ataatsimiititaliap uterfiginiarpa.

Tamatuma saniatigut Ineqarnermut Attaveqarnermullu Pisortaqaqfimmil sulisut immikkut taaneqartut sinnerlugit piginneqatigiilluni inissiaatileqatigiffissani arfineq marluusuni piginneqataasinnaanissaminut tapertaliussinissap ingerlateqqinneqarnissaa Naalakkersuisoqarfiup kissaatigigaa isummernissamut tunngavissiami kiisalu

Naalakkersuisunut inassuteqaatini allassimavoq. Taamatut immikkut ilusiliinermut nassuiaat Aningaasaqarnermut Ataatsimiitita

liap qinnutigissavaa. Inuit pineqartut atorfeqarnerminni nalinginnaasumik pisinnaatitaaffitik aallaavigalugit iliuuseqarnissaminut piginnaatitaareersimassagaluarnerpat?

Kiisalu sanartornerup ingerlarnga pillugu ukiup affakkaartumik nalunaarusiat isummernissamut tunngavissiami oqaatigineqartut ingerlaavartumik pissarsiarisarnissaat Aningaasaqarnermut Ataatsimiititaliap qinnutigissavaa.

Aningaasaqarnermut Ataatsimiititaliap aalajangiinera

Naalakkersuisut qulaani allassimasunut oqaaseqaateqarnissaata kiisalu kontomut pingaarnermut 89.72.12-imut Taartissanik inissialiortiternermut tunngasumut oqaasertaliussamik iluarsisamik nassuiaatitalimmik nassiussisoqarnissaata utaqqinissaat siunertaralugu Naalakkersuisut inassuteqaataannut Aningaasaqarnermut Ataatsimiititaliap isummernissani **kinguartippaa**.

Atortussat kalaallisut danskisullu kiisalu qarasaasiakkut ataatsimiititalianut allattoqarfimmut sapinngisamik piaartumik nassuteqquneqarput adressemut uunga nch@gh.gl.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliami siulittaasoq

Ilannugussaat: Naalakkersuisut isummernissaannut tunngavissiaq missingersuutitut ilanngussartalik kiisalu kontomut pingaarnermut 89.72.25-mut Inissianik attartortittakkanik ingutserinermut inissianillu inuit ataasiakkaat pigisassaannik sanaartornermut tunngasumut kiisalu kontomut pingaarnermut 89.72.12-imut Taartissanik inissialiortiternermut tunngasumut oqaasertaliussat nassuiaatitallit.